

ପିତରଙ୍କ ପ୍ରଥମ ପତ୍ର ପିତର ରାଚାମାନି ର ଲମ୍ବର ଆକୃ ମୂଲ୍ୟ ହାତୀ

ପିତର ର ଲମ୍ବର ଆକୃ ପାଣ୍ଡୁଆଡ଼ି ପିତର ରାଚାମାନେସି
 □ ପିତର ଏଞ୍ଜେଲି ଆମ୍ବାଆସି ଅଡ଼େ ଆମ୍ବାଆରାକି ତାନି ଆକୃ
 ରାଚିମାନେସି ଏ କାତା ଖେସାନା ତାନି ଆକୃ ରାଚାଲି ମାଟୁହେସି □
 ଏଞ୍ଜେଲି ଆମ୍ବାଆରାକି ପୁଣ୍ଡି ମେସ୍‌ପି ଆଆଡି ଲକ୍ଷ୍ମି ଇଚେସି
 ଏ ବାରେ କ୍ରୀସ୍ତୁକ୍ ନାମିତି ଲକ୍ଷ୍ମି ଆକୃତା ଖେକ୍‌ହେସି ୧:୧; ୧:୧୭;
 ୨:୧୧ □ ଏଞ୍ଜେଲି ତାନି ଆକୃତି ପତ୍ରଞ୍ଜି ଆନାରାକି ଏଲେକିହି
 ଖେସ୍ତେସି ଏନାଆଁତାକି ଇଚିହି ଏଞ୍ଜେରି ହାଡ଼େକା ଦେବା ଇତାଲା
 ଆତାଲା ଦେସାଣା ହେପି ଆହାମାନେରି □ ଇଚିହି ଇ ଆକୃ ଏଚର
 ବାଗା ପାଞ୍ଜୁଲ ଏପିସିୟ କୁଲମିକି ରାଚାମାନି ଆକୃ ଲେହେତାୟି,
 ହାଡ଼େକା ଲକ୍ଷ୍ମି ନାମିମାନେରି ଏପିସିୟତି ତାୟୁ ର ଲମ୍ବର ପିତର
 ପତି ଜୀସୁ କ୍ରୀସ୍ତୁ ଜାର୍ନାଆଡି ୬୫ ବାର୍ସା ତାୟୁ ରାସ୍‌କି ଆହାମାନେ
 □ ପିତର ଇ ଆକୃତି ରମିତି ରାଚିତେସି, ଆମିନିଗାଟାଣି ଏଞ୍ଜେଲି
 ବାବିଲନ ଇଚେସି ୫:୧୩ □

ମିଜେ ରାହାଁ କିହି ଅଡ଼େ ସାକି ହାହି ଇଦି ଏ ମାହାପୁରୁତି
 ସାତା କାର୍ମାମେହନାୟି ଲକ୍ଷ୍ମି ପିତର ଖେସାନା ଇ ଆକୃତି
 ରାଚିତେସି ୫:୧୨; ୧ପିତ ୨:୧୧-୩:୭; ଏପିସି ୫:୧୮-୬:୯
 ଅଡ଼େ କଲସିୟ ୩:୧୮-୪:୬ ହାଡ଼େକା ରଲେଏଡି କାତା ରାସ୍‌କି
 ଆହାମାନେ □ ଇ ବାରେ ତାନିଗଟା ଆକୃତା ଇଲୁ କୁଟମିତା ଆଣ୍ଡି
 ଆହାନା ତୟିନାୟି ଅଡ଼େ କାଜା ଲକ୍ଷ୍ମି ମାନଞ୍ଜି ଆହାନା ତୟାଲି
 ଜାପୁଞ୍ଜି ଆହାମାନେ □ ଏଚିବେଲାତା ସାସ୍ତି ଖାନ୍ତେ ତାରିଆହାନା
 ମାଞ୍ଜାଲି ଏଞ୍ଜେଲି କ୍ରୀସ୍ତୁକ୍ ନାମିତି ଲକ୍ଷ୍ମି ସାସା ହାହିମାନେସି
 ଏନାଆଁତାକି ଇଚିହି କୁଗୁ ରାନ୍ତି ଦିନା ତାଗେ ଖାଡ଼େୟିଏ ୪:୧ □

ପତିତା ମାନାୟି

- ୧ ପିତର ତାଙ୍କେ ଝେକହା କଡିନାୟି ଅଡେ ତାନି ଆକୁତି ପଡ଼଼ି ଆନାରାଇଁ ଝେହନାୟି □ ୧:୧-୨
- ୨ ଗେଲପି ଆନାୟି ବାରେ ଲକୁତାଣା ଏଜାମାନାକି ଅଡେ ତାନି ଜୀସୁ ଏନାୟି ଇଞ୍ଜି ପୁଞ୍ଜାମାନାକି ଏଝାସି ମାହାପୁରୁଇଁ ଜହରା କିନାୟି □ ୧:୩-୨:୧୦
- ୩ କ୍ରୀସ୍ତଇଁ ନାମିତି ଲକୁ ଏନିକିହିଁ ଇ ଦାରୁତିତା ନୀତିନାୟି ଅଡେ ଏନିକିହିଁ କି ତକ୍ରା ଅଡେ ତକ୍ରା ଇଞ୍ଜା ସାଝୁକାରି ଅଡେ ହଲେଏସି ନେହିଁକିଁ ତୟିନେରି ଏ କାତା ଏଝାସି ଜାପୁନାୟି □ ୨:୧୧-୪:୧୧
- ୪ ପିତର ଏଝାରାକି ସାସ୍ତି ଖାଡ଼ିସାରେ ତୀରିଆହାନା ତୟାଲି ସାସା ହୀନାୟି □ ୪:୧୨-୪:୧୧
- ୫ ପିତର ତାନି ଆକୁ ରାପୁନାୟି □ ୫:୧୨-୧୪

୧ ନାନୁ, ପିତର, କ୍ରୀସ୍ତ ଜୀସୁ ତାଣାଟି ପାଣୁଝିଆହାମାନି ସୀସୁ, ପନ୍ତ, ଗାଲାତିୟା, କାପାଦକିୟା, ଆସିୟା ଅଡେ ବେତନିୟା ରାଜିତା ଇତାଲା ଆତାଲା ବାସାଆହାମାନି ମାହାପୁରୁ ଆଚାମାନି ଲକୁତାକି ଆକୁ ରାଡ଼ିମାଇଁ,

୨ ଆବା ମାହାପୁରୁତି ତଲିତି ବୁଦିତଲେ ସୁଦୁଜୀସୁ ତଲେ ସୁଦୁ ଆହା ମାନି ଗାଟାତେରି ଅଡେ ଜୀସୁ କ୍ରୀସ୍ତତି ନେତେରି ତାଞ୍ଜିଝି କିହାକତାଲି ଆର୍ଝି ଆହାମାନେରି □ ମିଙ୍ଗେତାକି ମାହାପୁରୁତି କାର୍ମାମେହନାୟି ଇଞ୍ଜା ହିଡ଼ି ଆପେ □

ଜୀସୁତି ବାର୍ସୁ

୩ ମା. ପ୍ରବୁ ଜୀସୁ କ୍ରୀସ୍ତତି ଆବା ଅଡେ ମାହାପୁରୁଇଁ ଜହରା; ଇତିହିଁ ଏଝାସି ତାନି କାର୍ମାଟି ଜୀସୁ କ୍ରୀସ୍ତଇଁ ହାକିଟି ନିକହାନା ମାଙ୍ଗେ ପୁଝନି ଜୀସୁ ହୀହାମାଞ୍ଜାନେସି, ଏଡ଼ି ମାଙ୍ଗେତାକି ନୀତିନି ବାର୍ସୁ ହୀହାମାଞ୍ଜାନେ,

୪ ଏଦାଆଁତାକି ମାହାପୁରୁ ତାନି ଲକୁତାକି ଆମିନି ଦାରାଗାଟି ବର୍ ଇଟାମାନେସି, ଏଦାଆଁ ବେଟାଆହାଲି ମାର କାପୁ କାଚାମାନାୟି, ଏଝାସି ଲାକପୁରୁ ମିଙ୍ଗେତାକି ଏଦାଆଁ ଜାଡ଼ୁ ତଲେ ଇଟାମାନେସି, ଏମ୍ବାଆଁ ଏଡ଼ି ନସ୍ତ ଆଏ କି ଖାଡ଼େଏ □

୫ ଆମିନି ଗେଲ୍‌ପିନାୟି ରାନ୍ନି ଦିନାତା ତଞ୍ଜାଆହାଲି କିଞ୍ଚିଆହାମାନେ, ଏଦାଆଁ ବେଟାଆହାଲି ତାକି ମୀରୁ ମାହାପୁରୁତି ବାଡ଼ୁୟୁତା ନାମୁତଲେ ଜାଗ୍ରାତା କିଞ୍ଚି ଆହାମାଞ୍ଜେରି □

୬ ଏଦାଆଁତାକି ମୀରୁ ରାହାଁ କିଦୁ, ଆଡ଼ିଜିକେଏ ନୀର୍ବ୍ୟ ଗାଡ଼େକା ତାକି ହାରେକା ତାୟିପାରି କିନି ତାଣାଟି ଦୁକୁ କସ୍ତୁ ବେଟାଆନାୟି ମିଙ୍ଗେତାକି ଲଡ଼ାଆନେ,

୭ ଏନିକି ଗାଡ଼େକା ନସ୍ତୁ ଆନି ବାଂଗାରା ହିରୁତା ହୃତିନି କିହାଁ ହାରେକା ଦାରା ମୀ ତାୟିପାରି କିଞ୍ଚିଆଡ଼ି ନାମୁ, ଏଦି ଜୀସୁ କ୍ରୀସ୍ତ ତଞ୍ଜାଆନି ବେଲାତା ମାନି ତଲେ ଜହରାତି, ଗାଞ୍ଜୁରମି ଅଡ଼େ ମାନି ବେଟାଆନାୟି □

୮ ନୀର୍ବ୍ୟ ମୀରୁ ଏଞ୍ଜାଣାଲ୍ ମେସା ହିଲାଆତି ଜିକେଏ ଜୀଞ୍ଜୁନହ୍ ମାଞ୍ଜେରି, ଇଞ୍ଜା ନୀର୍ବ୍ୟ ମେହ୍‌ଆତ୍ ଜିକେଏ ତାନି ତାଣା ନାମାହାଁ ଖେସାଲି ଆଡ଼ାଆରେଟୁ ଗାଞ୍ଜୁରମିତି ରାହାଁତା

୯ ରାହାଁ ଆହାନା ଏ ନାମୁତି ପାଡ଼େୟି ଲେହେଁ ମୀ ଜୀଞ୍ଜୁତି ଗେଲ୍‌ପିନାୟି ବେଟାଆହାମାଞ୍ଜେରି □

୧୦ ଇ ଗେଲ୍‌ପିନି କାତା ମାହାପୁରୁ ଅଣ୍ଡପୁତି ବଲୁ ଖେହ୍‌ନାରି ମନ ହୀହାନା ପାରିହ୍ ସିନିକିତେରି, ଆମ୍ବାଆରି ଏମିନି କାର୍ମାମେହ୍‌ନାୟି ମିଙ୍ଗେ ଆନାୟି ମାଟେ, ଏ ଡାୟୁତି କାତା ଖେସାହାଁ ତସାମାଟେରି,

୧୧ କ୍ରୀସ୍ତୁତି ଦୁକୁ ବେଟାଆନାୟି ଇଞ୍ଜା ଅଡ଼େ ଡାୟୁତି ଗାଞ୍ଜୁରମି ବେଟାଆନାୟି ନକେଏ ପାରମାଣା ହୀନାସି ଇଞ୍ଜା ଏଞ୍ଜାରିତାଣା ମାନି କ୍ରୀସ୍ତୁତି ଜୀଞ୍ଜୁ ଏ ବାରେ ଏତିବେଲା ଖାନ୍ନେ ଅଡ଼େ ଏନିକି ଖାନ୍ନେ ଏଞ୍ଜାରି ପୁଞ୍ଜାଲି ନକେଏ ଅଣ୍ଡପାମାଟେରି □

୧୨ ଏଞ୍ଜାରି ଏ ବାରେ କାତା ତାନି ତାକି ସେବା କିଆନା ମୀ ଲାବା ତାକି ସେବା କିହିମାଟେରି, ଇଦି ଏଞ୍ଜାରିତାଣା ତଞ୍ଜା ଆହାମାଟେ, ଇଞ୍ଜା ଏ ବାରେ କାତା ଲାକପୁରୁତି ପାଣ୍ଡୁଆହାମାନି ସୁଦୁଜୀଞ୍ଜୁତି ବାଡ଼ୁୟୁ ତଲେ ମୀ ନକିତା ନେହ୍ କାରୁ ଖେହ୍‌ନାରି ତାଣାଟି ନୀର୍ବ୍ୟ ମିଙ୍ଗେ ଖେସ୍‌ପି ଆହିମାଞ୍ଜାନେ; ଏ ବାରେ କାତା ଦୂତୁୟାଁ ଜିକେଏ ପୁଞ୍ଜାଲି ଅଣ୍ଡପି ମାନେରି □

ସୁଦୁଜୀଞ୍ଜୁ ତଲେ ମାଞ୍ଜାଲି ହାଟୁକି ଆନାୟି

୧୩ ନେହୁଁ କାମା କିହାଲି ତିୟାରା ଆଦୁ □ କାପୁ କାଚାନା ଜୀସୁ କ୍ରୀସ୍ତ ତଞ୍ଜା ଆନି ବେଲାତା ଆମିନି ବର ମିଙ୍ଗେ ହାପକି ଆୟାନେ, ଏଦାଆଁତାକି ତୀରେତଲେ ବାର୍ସୁ ଇଚାଦୁ □

୧୪ ମାହାପୁରୁଇଁ ମାନି କିଦୁ, ମୀରୁ ତଲି ପୁଞ୍ଜାହିଲାଆତି ବେଲାତା ଆମିନି ଲାଗେଏ ପଲେଏତି ଜୁପକା ତଲେ ମାଚେରି ନୀଏ ଏଲେଆଆଦୁ □

୧୫ ସାମା ମିଙ୍ଗେ ହାଚାମାଞ୍ଜାନି ମାହାପୁରୁ ଏନିକୁଁ ସୁଦୁଗାଟାସି ମୀରୁ ଜିକେଏ ଏଲେକୁଁ ମୀ ବାରେ ମାଣକିତା ସୁଦୁ ଗାଟାତେରି ଆଦୁ □

୧୬ ଦାମ୍ଭୁପତିତା ରାସକି ଆହାମାନେ, “ମୀରୁ ସୁଦୁ ଗାଟାତେରି ଆଦୁ, ଏନାଆଁତାକି ଇଚିହୁଁ ନାନ୍ତୁ ସୁଦୁ ଗାଟାତେଏଁ □”

୧୭ ଅଡେ ଆମ୍ବାଆରି ମୁମ୍ବୁ ଚୁମହୁଆନା ବାରେ ଲକୁତି ଏଞ୍ଜାରି କାମା କିହାମାନିଲେହେଁ ନୀହାୟି କିନେସି, ଏଞ୍ଜାଣି ତାଣା ପ୍ରାଡାନା କିନାଟି ଆବା ଇଞ୍ଜୁଁ ହାଟିତିହୁଁ, ମୀରୁ ଇ ଦାରତିତା ବାସାଆହାମାନି ପାତେକା ମାନି ତଲେ ଏଞ୍ଜାଣାଇଁ ଆଜାନା ମାଞ୍ଜୁ;

୧୮ ଇଚିହୁଁ ମୀରୁ ପୁଞ୍ଜାମାଞ୍ଜେରି ମୀ ଆକୁ ଆବାୟାଁ ତାଣାଟି ବେଟାଆହାମାନି ଉଜେଏତି ମାଣକି ତଲେ ନୀତିନି ତାଣାଟି ମୀରୁ ଝେଣ୍ଡି କି ବାଂଗାରା ଲେହେଁତି ନାସା ଆନି ଆସି ତଲେ ପିସପି ଆହାହିଲଅତେରି,

୧୯ ସାମା ଏନି ସିନା ଅଡେ ଦହୁ ହିଲାଆଗାଟି ମେଣ୍ଡା ତାଲୁ ଲେହେଁତି କ୍ରୀସ୍ତତି ଗାତି ଦାରାଗାଟି ନେତେରି ତଲେ ପିସପି ଆହାମାଞ୍ଜେରି □

୨୦ ଦାରତି ଗାଡ଼ିଆଡ଼ି ନକେଏ ମାହାପୁରୁ ଏଞ୍ଜାଣାଇଁ ଆଡ଼ିତେସି ଇଞ୍ଜାଁ ଇ ରାନି ଜୁଗୁତା ଏଞ୍ଜାସି ମିଙ୍ଗେତାକି ତଞ୍ଜା ଆହାମାଞ୍ଜାନେସି;

୨୧ ଆମିନି ମାହାପୁରୁ ଏଞ୍ଜାଣାଇଁ ହାକିଟି ନିକହାନା ଗାଞ୍ଜୁରମି ହୀହାମାନେସି, ଏଞ୍ଜାଣି ତାଣାଟି ମୀରୁ ଏ ମାହାପୁରୁଇଁ ନାମିମାଞ୍ଜେରି, ଇଦାଆଁତାକି ମୀ ବାରେ ନାମୁ ଅଡେ ବାର୍ସୁ ମାହାପୁରୁ ତାଣା ଆବୁଞ୍ଜା ଆହାମାନେ □

୨୨ ନୀଏଁ ମୀରୁ ସାତାତି ମାନୁଞ୍ଜି ଆହାନା କୁରୁ ହିଲାଆ ତାୟିଇଁ ଜୀଞ୍ଜୁ ନହାଲି ତାକି ମୀ ହିୟାଁତି ଅବହା କତାମାନାକି ମୀ ବାରେ ହିୟାଁ

ତଳେ ମୀରୁ ରଣ୍ଡିଏ ମନତଳେ ରଅତେରି ରଅଣାଲ୍ ଜୀଝୁନଦୁ □
 ୨୩ ଇଚିହ୍ମ ମୀରୁ ନାସା ଆନି ପାଡ଼େୟିଟି ଆଏ, ସାମା ଏଚେଲା
 ନାସା ଆଆଗାଟି ପାଡ଼େୟିଟି, ଇଚିହ୍ମ ମାହାପୁରୁତି ଜୀଝୁ ଅଡ଼େ
 ବାରେବେଲା ଡ଼ୟିନି ବଲୁ ତଳେ ଖେଣ୍ଡେ ଜାର୍ନା ଆହାମାଞ୍ଜେରି □
 ୨୪ ଦାର୍ମୁ ସାସ୍ତେରିତା ରାସ୍ତକି ଆହାମାନେ,
 “ଇଚିହ୍ମ ଦାରତିତି ବାରେ ଲକୁ ଗାକ୍ ଜାଡ଼ା ଲେହେଁତାରି,
 ଏଝାରି ଅଲୁ ବାରେ ଜାଡ଼ାତି ପୂଜା ଲେହେଁତାୟି □
 ଗାକ୍ ଜାଡ଼ା ଖାୟାହାନେ ଇଞ୍ଜା ପୂଜା ବାରେ ତୁଲାହାନୁ □
 ୨୫ ସାମା ମାହାପୁରୁତି ବଲୁ କାଲାକାଲାତାକି ଡ଼ୟିନେ □” ଇଦି
 ଏ ନେହ୍ମ କାରୁତି ବଲୁ, ଆମିନି ଗାଚାୟି ମୀ ତାଣା ଖେପକି
 ଆହାମାଚେ □

୨

ଜୀଝୁତି ଝାଲି ଅଡ଼େ ସୁଦୁଗାଟି କୁଡ଼ା

୧ ଇଚିହ୍ମ ପ୍ରୁ କାର୍ନା ମେହନାସି ଇଞ୍ଜି ମୀରୁ ନୀଏ
 ପୁଞ୍ଜିମାନାକି, ଇଞ୍ଜା ବାରେ ଲାଗେଏ ପଡ଼େଏତାଣି, ନାଡ଼ି କିନାଣି,
 କୁରୁ, ଲକୁଣି ତାହାରା ଇଞ୍ଜା ଲକୁଣି ନିୟା କାତା ଜଲିନାଣି ପିହ୍ଦୁ,
 ୨ ପୁଝନି ଜାର୍ନାଆଡ଼ି କୁଗି କକାରି ପଦାଲେହେଁ ଏନାଆଁ ଆଣ୍ଡାଆତି
 ପାଲୁ ଗସାଲି ଅଣ୍ଡପଦେରି, ଆତିହ୍ମ ମୀରୁ ପାଡ଼ାଆହାନା ଗେଲପି
 ଆଡ଼େରି □
 ୩ ଦାର୍ମୁପତିତା ରାସ୍ତକି ଆହାମାନେ, “ମାହାପୁରୁ ଏଚେକା କାର୍ନା
 ମେହନାସି, ଏଦାଆଁ ମୀରୁ ପୁଞ୍ଜାମାଞ୍ଜେରି □”
 ୪ ଜୀଝୁଗାଟି ଝାଲି ଲେହେଁତି ପ୍ରୁ, ଏଝାଣାଲ୍ ମାଣ୍ଡସିୟାଁ ତାଣାଟି
 ଅପାଆତେରି ସାତା, ସାମା ମାହାପୁରୁ ତାଣା ଆଡ଼ି ଆହାନା ଗାତି
 ଦାରାଗାଗାସି ଆଡ଼େସି □
 ୫ ତାନି ତାଣା ଝାହାନା ମୀରୁ ଜିକେଏ ଜୀସୁ କ୍ରୀସ୍ତ ତାଣାଟି
 ମାହାପୁରୁ ନକିତା ନେହ୍ମ ଜୀଝୁତି ପୂଜା ହାହାଲିତାକି ସୁଦୁଗାଟି
 ପୂଜେରାଜା ଲେହେଁ ଆହାଲିତାକି ଜୀଝୁତି ଝାଲି ଲେହେଁ ଆହାନା
 ର ପ୍ରାଡ଼ାନା ଇଲୁ ଲେହେଁ ଆଦୁ □

୨ ଇଚିହଁ ଦାମ୍ଭୁ ପତିତା ରାସ୍‌କି ଆହାମାନେ;
 “ନାନୁ ସିୟନତା ର ଆର୍‌ଝି ଆହାମାନି
 ଅଡ଼େ ଦାରାଗାଟି କନତି ମୂଲୁ ଖାଲି କିହାମାଇଁ
 ଇଞ୍ଜା ଆମ୍ବାଆସି ଏଝାଣି ତାଣା ନାମିନେସି ଏଝାସି ଏଚେଲାଝା
 ଲାଜା ବେଟାଆଅସି □”

୩ ମୀରୁ ପୁରୁଇଁ ନାମିମାଞ୍ଜେରି, ମୀରୁ ଏ ଦାରାଗାଟି ତାଣା
 ଆଣ୍ଡାମାଞ୍ଜେରି, ସାମା ଆମ୍ବାଆରି ନାମଅରି,
 “ଇଲୁ କେପିନାରି ଆମିନି ଖାଲିତି ଅପାଆତେରି,
 ଏଡି ଏଝାରାକି ଇଲୁ କନତି ମୂଲୁ ଖାଲି ଆଡେ □”

୮ ଅଡ଼େ ଦାମ୍ଭୁପତିତା ରାସ୍‌କି ଆହାମାନେ,
 “ଏ ଖାଲିତା ହାଡ଼େକା ଲକୁ ପୁଟି କିନେରି,
 ଏ ପାକା ଖାଲି ଏଝାରାଇ ଡ଼ଇ ତରଟି କିନାୟି ଆନେ;”
 ମାହାପୁରୁ ବଲୁ ଆହୁଆତାକି ଏଝାରି ଏମ୍ବାଆଁ ବାଦା ବେଟାଆନେରି
 ଇଞ୍ଜା ଏଦାଆଁତାକି ଏଝାରି ମାହାପୁରୁ ତାଣାଟି ଆର୍‌ଝି ଆହାମାଚେରି
 □

୯ ସାମା ଆମ୍ବାଆସି ମିଙ୍ଗେ ଆନ୍ଦେରିଟି ତାନି କାବାଆନି ଉଜେଡ଼ିତା
 ହାଟାମାଞ୍ଜାନେସି, ମୀରୁ ଏନିକଁ ଏଝାଣି ଗୁଣୁ ପାଟିଦେରି,
 ଏଦାଆଁତାକି ମୀରୁ ମାହାପୁରୁ ଆଟାମାଞ୍ଜାନି କୁଡ଼ାତେରି, ରାଜାତି
 ସେବାକିନି ପୁଜେରାଙ୍ଗା, ମାହାପୁରୁ ସେବାତାକି ଏଟକା ଆହାମାନି
 ସୁଦୁ କୁଡ଼ାତେରି, ଇଞ୍ଜା ମାହାପୁରୁତି ଲକୁତେରି ଆହାମାଞ୍ଜେରି □

୧୦ “ତଲି ମୀରୁ ମାହାପୁରୁତି ଲକୁ ଆହା ହିଲାଆତେରି,
 ସାମା ନୀର୍‌ସଁ ମୀରୁ ମାହାପୁରୁତି ଲକୁ ଆହାମାଞ୍ଜେରି, ତଲି ମୀରୁ
 ମାହାପୁରୁତି କାର୍‌ମା ବେଟାଆହା ହିଲାଆତେରି, ସାମା ନୀର୍‌ସଁ ତାନି
 କାର୍‌ମାଆନାଣି ବେଟାଆହାମାଞ୍ଜେରି □”

ମାହାପୁରୁତି ହଲିୟାଙ୍ଗା

୧୧ ଏ ଜୀଝୁତି ତାୟି ତାଙ୍ଗିସ୍‌ମା, ନାନୁ ମିଙ୍ଗେ ଇ ଦାର୍‌ତିତା ଏଟକା
 ଦେସାତାତେରି ଇଞ୍ଜା ହେକ ଦେସାଟି ଖାହାମାନାତେରି ଇଞ୍ଜା
 ଅଣ୍ଡାପାନା ବାତିମାଲିମାଞ୍ଜାଇଁ, ମୀରୁ ମୀ ଆଙ୍ଗାତି ଜୁପ୍‌କାଟି ହେକ
 ଆଦୁ, ଏଝି ମୀ ଜୀଝୁ କପାଟି ଜୁଜୁ କିହେମାନୁ □

୧୨ ମୀରୁ ଜୀହୁଦିଆଆତି ଲକୁତାଣା ମୀ ମାଣକି ଦହ ହିଲାଆଗାଟାୟି ଆପେ, ଏନିକ୍ ଏଞ୍ଜାରି ନୀଏଁ ମିଙ୍ଗେ ପାପୁ ଦହ ଗାଟାତେରି ଇଞ୍ଜି ନିୟା କିୟାନେରି, ତାୟୁ କ୍ରୀସ୍ତୁ ଖାନି ଦିନାତା ମୀ ନେହ୍ କାମା ମେସାନା ମାହାପୁରୁଇଁ ଜହରା କିନେରି
□

୧୩ ପ୍ରୁ ତାକି ବାତିମାଲିମାଞ୍ଜାଇଁ, ମୀ ମୁହେଁ ସାଲୁଞ୍ଜି କିନାରାଇଁ ମାନୁଞ୍ଜି ଆଦୁ
□

୧୪ ବାରେତି କିହାଁ କାଜା ରାଜା ଆପେସି, ଲାଗେଏ ପଲେଏତାରାଇଁ ତଣ୍ଡ ହୀହାଲି ଅଡେ ନେହ୍ କାମା କିନାରାଇଁ ରାହାଁ କିହାଲିତାକି ତାନିତାଣାଟି ପାଣ୍ଡୁଞ୍ଜିଆହାମାନି ସାଲୁଞ୍ଜି କିନାସି ଆପେସି, ଏଞ୍ଜାରାଇଁ ମାନି କିଦୁ
□

୧୫ ଇତିହ୍ ମୀରୁ ନେହ୍ କାମା କିହାଁ ବୁଦି ହିଲାଆ ଉଜେଏତି କାତା ଖେହ୍ନାରାଇଁ ସାପି କିଦୁ, ଏଦି ମାହାପୁରୁତି ଅଣ୍ପୁ
□

୧୬ ମୀରୁ ମେଲା ମାନାତେରି ଆତିଜିକେଏ ଏ ମେଲା ଆହାମାନି ତାଣାଟି ଲାଗେଏ ପଲେଏ ଲେମ୍ବାଆଦୁ, ସାମା ମାହାପୁରୁତି ହଲିୟା ଆହାନା ନେହ୍ କାମା କିଦୁ
□

୧୭ ବାରେ ଲକୁଇଁ ଆବାଦୁ, କ୍ରୀସ୍ତାନା ତାୟି ତାଙ୍ଗିଇଁ ଜୀଞ୍ଜୁନଦୁ, ମାହାପୁରୁଇଁ ଆଜାଦୁ, ରାଜାଇଁ ମାନି କିଦୁ
□

କ୍ରୀସ୍ତୁ କସ୍ତୁଟି ଜାପିନାୟି

୧୮ ହଲିୟାଙ୍ଗାତେରି ମୀରୁ ଆଜିତଲେ ମୀ ସାଞ୍ଜୁକାରିୟାଁଇଁ ମାନୁଞ୍ଜି ଆଦୁ, ଖାରଇ ନେହାଁରାଇଁ ଅଡେ କାମା ମେହ୍ନାରାଇଁ ଆଏ, ସାମା ଲାଗେଏତି ସାଞ୍ଜୁକାରିୟାଁଇଁ ଜିକେଏ ଏଲେକ୍ ମାନୁଞ୍ଜିଆଦୁ
□

୧୯ ଇତିହ୍ ଆମ୍ବାଆସି ମାହାପୁରୁଇଁ ନାନିତାକି ଲାଗେଏତାଣି ତାକି ଦୁକୁ କସ୍ତୁ ବେଟାଆହାନା ଅର୍ହିନେସି, ଆତିହ୍ ଏଦି ରାହାଁତି କାତା
□

୨୦ ମୀରୁ ମୀ ଦହ ତାକି ତଣ୍ଡ ବେଟାଆଡେରି, ଏମ୍ବାଆଁ ଏଦି ଲାବା ? ସାମା ନେହ୍ କାମାତାକି କସ୍ତୁ ଅର୍ହିତିହ୍, ମାହାପୁରୁ ମିଙ୍ଗେ ବର ହିୟାନେସି
□

୨୧ ମାହାପୁରୁ ତାଣା ବାରେତାକି ହାଟୁକିଆହା ମାଞ୍ଜେରି, ଇତିହାସ
ମୀରୁ ଏନିକି କ୍ରୀସ୍ତତି ପାଞ୍ଜୁଲି ତଲେ ତାକିଦେରି ଏଦାଆଁତାକି
ଏଞ୍ଜାସି ଜିକେଏ ମିଙ୍ଗୋତାକି ଦୁକୁ କସ୍ତ ଅରୁହାନା, ମିଙ୍ଗୋତାକି
ଏଲେଆହାଲି ତସାମାଞ୍ଜାନେସି;

୨୨ ଏଞ୍ଜାସି ଏନି ପାପୁ ଦହ କିହାହିଲାଆତେସି କି ଏଞ୍ଜାଣି ଗୁଡିତି
ମିତି କାତା ଏରେଲାଞ୍ଜା ହରାହିଲାଆତେ □

୨୩ ଏଞ୍ଜାସି ନିନ୍ଦା ବେଟାଆହି ମାଚାଟି ଖେଣ୍ଡେ ନିନ୍ଦା କିଆତେସି;
ଦୁକୁ କସ୍ତ ବେଟାଆହି ମାଚାଟି ଖେଣ୍ଡେ କସ୍ତ ହିନ୍ଦାଲ୍ ଇଞ୍ଜି ଆଜି
ତସାନା ଖେହୁଆତେସି, ସାମା ସାତା ନାହାଁୟି କିନି ମାହାପୁରୁ ତାଣା
ତାନି ବାରେତି ହେରପିତେସି □

୨୪ ମାର ଏନିକି ପାପୁ ତାକି ହାହାନା, ଦାମୁତାକି ଜୀଞ୍ଜୁତଲେ
ନୀତିନାୟି, ଏଦାଆଁତାକି ଏଞ୍ଜାସି ପାସି ମୁଣ୍ଡା ଲାକ ତାନି ଆଙ୍ଗା ତଲେ
ମା ବାରେ ପାପୁ ଡେକା ଅଡେସି, ଏଞ୍ଜାଣି ରାହାଁଟି ମୀରୁ ନେହୁ
ଆହାମାଞ୍ଜେରି □

୨୫ ଇତିହାସ ମୀରୁ ଜିରୁ ବାଣାଆହାମାନି ମେଣ୍ଡାୟାଁ ଲେହେଁ
ଆହାମାରେରି, ସାମା ନୀର୍ବ ମୀରୁ ଜୀଞ୍ଜୁତି ଗଡୁକୁଲମିତି କାଜାଣା
ଜେତ ଜେତ ତାକାଲି ମୀରୁ ଖେଣ୍ଡା ଖାହାମାଞ୍ଜେରି □

୩

ତକ୍ତି ତକ୍ତି କାତା

୧ ☆ଏଲେକିହୁଏ ଏ ତକ୍ତିସିକାତେରି, ମୀରୁ ମୀ ତକ୍ତିୟାଁଲ୍
ମାନଞ୍ଜିଆଦୁ, ଏନିକିହୁଏ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ମାହାପୁରୁ
କାତା ନାମାଆତି ଜିକେଏ ମୀ ନେହୁ ମାଣକି ମେସାନା, ମୀରୁ
ଖେହୁଆନା ଜିକେଏ ମାହାପୁରୁ ତାଣା ନାମାଲି ଆଡିନେରି □

୨ ଏନିକି ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ବଲୁତି ମାନଞ୍ଜି ଆଆତି
ଜିକେଏ ମୀ ମାହାପୁରୁତି ଆଜି ଅଡେ ମାଣକି ମେସାନା କାତା
ଖେନାଆନା ଜାହାରା ତକ୍ତିନି ସୁଦୁଗାଟି ମାଣକି ମେସାନା ନାମିନେରି
□

୩ ☆ତାୟି ବାଣାୟାଁ ହାରେକା ଅଜିକିହୁଏ କିଶହା କତାନା,

ବାଂଗାରା ତୁରହାନା, ଅଜିତି ହିମ୍ବରକା ହୁଟିନାୟି, ଖାର୍‌ଇ ଇ ବାରେ
ତଲେ ମୀ ଆଜ୍ଞାତି ଅଜି କିହାକତାଆଦୁ,

୪ ମୀ ହିୟାତା ଏମିନି ହିଡ଼ି ଜୀଝୁତି ଗୁଣୁ ମାହାପୁରୁ ନକିତା
ହାରେକା ଦାରାଗାଟାୟି, ଏଦିଏ ମୀ ନାସା ଆଆଗାଟି ଅଜୁ ଆପେ

୫ ଏନାଆଁତାକି ଇଚିହୁଁ ତଲି କାଲାତି ସୁଦୁଗାଟି ଇୟାସିକା
ଜିକେଏ ମାହାପୁରୁ ତାଣା ବାର୍ସୁ ଇଟାନା ତାମି ତକ୍ରାୟାଈଁ ମାନିକିହାଁ
ଜାହାରାଇଁ ଅଜିକିହା କତିମାରୁ □

୬ ଏଲେକିହୁଁଏ ସାରା ଜିକେଏ ଅରାହାମଇଁ ମାନୁଝି ଆହାଁ
ଏଞ୍ଜାଣାଇଁ ନା ପ୍ରବୁ ଇଞ୍ଜିମାତେ; ମୀରୁ ଜିକେଏ ନୀଏଁ ଏନାଆଁ
ଆଜାଆନା ନେହୁଁ କାମା କିତିହୁଁ ଏଦାଣି ମାସକାତେରି ଆଦେରି
□

୭ ☆ତକ୍ରାୟାତେରି, ଏଲେକିହୁଁଏ ମୀ ତକ୍ରିସିକାଣି ମୀ କିହାଁ
ବାଡ଼ୁୟାତା ଉଣାଗାଟାଇଁ ଇଞ୍ଜୁ ପୁଞ୍ଜାନା ଏଞ୍ଜାସିକାଇଁ ମାନି କିଦୁ,
ଇଞ୍ଜା ଏଞ୍ଜାସିକା ତଲେ ଆଣ୍ଟାନା ବୁଦିତଲେ ଡୟାଦୁ, ଏଞ୍ଜି ଜିକେଏ
ମୀ ତଲେ ମାହାପୁରୁ ତାଣା କାଲାକାଲା ଜୀଝୁତି କାର୍ମାତି ଦାନା
ବେଟାଆଦୁ, ଏନିକିଁ ମୀ ପ୍ରାତାନା କିନିତାଣା ବାଦା ଖାଏ □

ନେହୁଁ କାମାତାକି କସ୍ତ ପାଣ୍ଟନାୟି

୮ ତାୟୁତି କାତା ଇଦି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡପୁ
ତଲେ ବାରେତି ସୁକୁ ଦୁକୁତା ଆଣ୍ଡୁଝି ଆନାୟି, ତାୟି ତାଜିଈଁ
ଜୀଝୁନନାୟି, ନେହୁଁ ହିୟା ଅଡ଼େ ଜାହାରାଇଁ ଉଣା କିହାକତାଦୁ
□

୯ ଲକୁ ମିଙ୍ଗେ ଲାଗେଏ କିୟାତିହୁଁ ଜିକେଏ ଏଞ୍ଜାରାଇଁ ଝେଣ୍ଡେ
ଲାଗେଏ କିଆଦୁ, ନିନ୍ଦା କିୟାତିହୁଁ ଝେଣ୍ଡେ ନିନ୍ଦା କିଆଦୁ,
ସାମା ଏଞ୍ଜାରାଇଁ ବର ହୀଦୁ, ଏନାଆଁତାକି ଇଚିହୁଁ ଏଲେକିହାଲି
ମାହାପୁରୁ ମିଙ୍ଗେ ଆଚାନା ହାଟାମାଞ୍ଜାନେସି □

୧୦ ଦାର୍ମୁ ସାସ୍ତେରିତା ରାସକି ଆହାମାନି ଲେହେଁ
“ଆମ୍ବାଆସି ଜୀଝୁତା ସୁକୁ ତଲେ ଡୟାଲି ଇଞ୍ଜା ରାହାଁତି ଦିନାୟାଁ
ମେସାଲି ଅଣ୍ଡପିନେସି,

☆ ୩:୭ ୩:୭ ଏପିସି ୫:୨୫; କଲସି ୩:୧୯

ଏଞ୍ଜେଲ୍ ଲାଗେଏ ପଲେଏ କାତାୟାଁ ତାନି ଖେନ୍ଦରିଟି
 ଜଲ୍ଲାଆପେସି,
 ଅଡ଼େ ମିଟି କାତାୟାଁ ତାନି ଗୁଡିଟି ଏଚେଲାଞ୍ଜା ହୁଆପୁ □
 ୧୧ ଏଞ୍ଜେଲ୍ ଲାଗେଏ ପଲେଏ ତାଣାଟି ହେକ ଆହାନା ନେହୁଁ କାମା
 କିପେସି,
 ଇଞ୍ଜା ତାନି ବାରେ ହିୟାଁ ତଲେ ହିଡ଼ଡ଼ି ଜୀଞ୍ଜୁ ପାରାନା ଏ ଜିରୁଟି
 ତାକାପେସି □
 ୧୨ ଏନାଆଁତାକି ଇଚିହୁଁ ଦାମ୍ବୁ ଗାଟାରାକି ପ୍ରବୁତି କାନୁ ମାନେ,
 ଇଞ୍ଜା ଏଞ୍ଜାରି ପ୍ରାଡାନାତି କାର୍କା ଅତାହାଁ ଖେନେସି,
 ସାମା ପାପୁ ଗାଟାରି କପାଟି ପ୍ରବୁ ନିଙ୍ଗିନେସି □”
 ୧୩ ମୀରୁ ନେହୁଁ କାମାତାକି ରାହାଁ ଗାଟାତେରି ଆଦେରି,
 ଆତିହୁଁ ଆମ୍ବାଆସି ମିଙ୍ଗେ ଲାଗେଏ କିୟାଲି ଆଡାନେସି ?
 ୧୪ ☆ସାମା ନେହୁଁ କାମା କିହାନା କସୁ ବେଟାଆଡ଼ି ଜିକେଏ, ଏଡ଼ି
 ମୀ ତାକି ନେହେଁ, ଆମ୍ବାଆସି ମିଙ୍ଗେ ଆଜି କିୟାତିହୁଁ ଆଜିତାକି
 ଆଡାଜାକା ଆଆଡୁ;
 ୧୫ ସାମା କ୍ରୀସ୍ତୁଇଁ ପ୍ରବୁ ଇଞ୍ଜୁଁ ମୀ ହିୟାଁତା ସୁଦୁ ତଲେ ମାନି
 କିଦୁ, ଆମ୍ବାଆସି ଏଚେଲାଞ୍ଜା ମୀ ତାଣା ମାନି ବାସୁଡି କାତା ପୁଞ୍ଜାଲି
 ଖେଞ୍ଜାତିହୁଁ, ଏଞ୍ଜାଣାଲ୍ ଖେଣ୍ଡେ ଖେସାଲି ମୀ ଅଣ୍ପୁ ତଲେ
 ତିୟାରା ଆହାମାଞ୍ଜୁ,
 ୧୬ ସାମା ଖେନ୍ଦନାଟି ସୁଦୁ ଅଡ଼େ ମାନିଗାଟି ଅଣ୍ପୁ ତଲେ
 ଆଜାଆନା ନେହୁଁ ବୁଡିଟି ଖେହୁଦୁ, ମୀରୁ କ୍ରୀସ୍ତୁ ତାଣା ଆଣ୍ଡାନା
 ନେହୁଁ ମାଣକି ମାନାକି ମିଙ୍ଗେ ନିୟା କିହାନା ଦହ ଦହନାରି
 ଏନ୍ଦେଏ ଲାଜା ପାଣ୍ଡପେରି ଇଞ୍ଜୁଁ ମୀରୁ ତୀରିତି ଅଣ୍ପୁ ତଲେ ମାଞ୍ଜୁ
 □
 ୧୭ ଏନାଆଁତାକି ଇଚିହୁଁ ଲାଗେଏ ପଲେଏ କାମାତାକି ଦୁକୁ
 ବେଟାଆନି କିହାଁ ମାହାପୁରୁ ଇଚା ଆତିହୁଁ, ନେହୁଁ କାମାତାକି
 ଦୁକୁ ବେଟାଆନାୟି ନେହେଁ □
 ୧୮ କ୍ରୀସ୍ତୁ ମିଙ୍ଗେ ମାହାପୁରୁ ତାଣା ତାଗାଲି ତାକି ଏଞ୍ଜେଲ୍
 ଦାମ୍ବୁଗାଟାସି ଆହାନା ଦାମ୍ବୁ ହିଲାଆ ଗାଟାରି ତାକି ପାପୁ ତାକି

☆ ୩:୧୪ ୩:୧୪ ମାତି ୫:୧୦

ରଣିଏ ଦେବା ହାତେସି, ଏଞ୍ଜାସି ଆଙ୍ଗା ତଲେ ହାତେସି ସାତା, ସାମା ଜୀଝୁତଲେ ନୀଡ଼ିତେସି,

^{୧୯} ଏମ୍ବାଟିଏ ଏଞ୍ଜାସି ସୁଦୁଜୀଝୁ ତଲେ ମାଞ୍ଜାନା ଦସ୍ପି ଆହାମାଟି ଜୀଝୁୟାଁ ତାଣା ହାଜାନା ମାହାପୁରୁ ବଲୁ ଝେକ୍‌ହେସି;

^{୨୦} ତଲି କାଲ୍ଲାତା ନହ୍ ଜାଜା କେପିତି ବେଲା, ମାହାପୁରୁ ସାସାତଲେ କାଟିମାରେସି, ଆଡ଼ିଜିକେଏ ଏଞ୍ଜାଣାଇଁ ମାନଝି ଆଆତେରି, ଏ ଜାଜାତା ହାରେକା ଲକୁ ଆଏ, ଆଟା ଜାଣା ହଡ଼ାନା ଏୟୁଟି ଗେଲ୍‌ପି ଆଡେରି;

^{୨୧} ଏ ଏୟୁ ଇ କାଲ୍ଲାତି ବାପ୍ରିସ୍ତ* ଇରିହ୍ ଏଡ଼ି ମା ଆଙ୍ଗାଟି ମାଟି ନରନାୟି ଆଏ, ସାମା ମାହାପୁରୁ ତାଣା ନେହ୍ ଅଣ୍‌ପୁ ବେଟାଆହାଲି ପ୍ରାତାନା କିନାୟି, ଇଞ୍ଜାଁ ଜୀସୁ କ୍ରୀସ୍ତ ହାକିଟି ନିଙ୍ଗିତାକି ଗେଲ୍‌ପି ଆନାୟି □

^{୨୨} ଏ ଜୀସୁ କ୍ରୀସ୍ତ ଲାକପୁରୁ ହାଜାନା ମାହାପୁରୁଡ଼ି ଚିଃନି ଟଟତା କୁଗାମାନେସି, ଏମ୍ବାଆଁ ଦୂତୁୟାଁ, ପାଣା ବେଟାଆଡ଼ାରି ଅଡେ ବାଡ଼ୁୟୁ ଗାଟାରି, ଏଞ୍ଜାଣାଇଁ ମାନଝି ଆହାନା ତାନି ଡ଼ଇ ମାନେରି □

୪

ମାହାପୁରୁ ତାକି ନୀଡ଼ିନାୟି

^୧ କ୍ରୀସ୍ତଟି ଆଙ୍ଗା ତଲେ ଦୁକୁ କସ୍ତ ବେଟାଆହା ମାନାକି ମୀରୁ ଜିକେଏ ଏଲେକିହ୍ ଏ ଏଞ୍ଜାଣି ଲେହେଁତି ଅଣ୍‌ପୁ ତଲେ ଜାହାରାଇଁ ତିୟାରା କିହାକତାଦୁ, ଏନାଆଁତାକି ଇରିହ୍ ଆମ୍ବାଆସି କ୍ରୀସ୍ତଟି ତାକି ଆଙ୍ଗାତା ଦୁକୁ କସ୍ତ ବେଟା ଆହାମାନେସି, ଏଞ୍ଜାସି ପାପୁଟି ହେକ ଆହାମାନେସି,

^୨ ଏନିକ୍ ମୀରୁ ଦାରତିତା ନୀଡ଼ାମାନି ପାତେକା ପାପୁଗାଟି ମାଣ୍‌ସିତି ଲାଗେଏ ଜୁପକାଟି ଅଣ୍‌ପୁ ତଲେ ନୀଡ଼ାଆନା ମାହାପୁରୁଡ଼ି ଅଣ୍‌ପୁ ଲେହେଁ ନୀଡ଼ାଦୁ □

^୩ ହାରେକା ଦିନା ମୀରୁ ନାମାଆଗାଟାରି ଇଟା ତଲେ କାମା କିହାଁ ମୀରୁ ଏଟେ କାଲ୍ଲା ଲାଗେଏ ପଲେଏ କାମାତା, ଲାଗେଏଡ଼ି ଜୁପକା, କାଡ଼ୁ ବୁଡ଼ୁ ଆନାୟି, କାଡ଼ୁ ଗସାନା ରାହାଁ କିନାୟି, କାଡ଼ୁ

* ୩:୨୧ ୩:୨୧ମୁଞ୍ଜିନାୟି

ଗସାନା ହଠିନାୟି, ଇଞ୍ଜା ଅପାଆଗାଟି ପେଣ୍ଟକା ବମାୟାଣି ପୂଜା କିହିମାଚେରି,

୪ ମୀରୁ ନୀର୍ଦ୍ଦି ଏଞ୍ଜାରିତଲେ ଏ ବାରେ ଲାଗେଏ ପଢ଼େଏ କାମାତା ରାହାତଲେ ଆଣ୍ଡିହିଲଅଚେରି, ଏଦାଆଁତାକି ଏଞ୍ଜାରି ଆତାଜାକା ଆହାନା ମିଜେ ହାରେକା ନିନ୍ଦା କିୟାନେରି □

୫ ସାମା ଆମିନି ମାହାପୁରୁ ନୀତାମାନାରାଇଁ ଅଡ଼େ ହାଡ଼ାରାଇଁ ନୀହାୟି କିହାଲି ହାଜିମାନେସି, ଏ ମାହାପୁରୁ ନକିତା ଏଞ୍ଜାରି ତାମି ବାରେ କିତି କାମାତି ଲେକା ହୀନାୟି ମାନେ □

୬ ଏଦାଆଁତାକି ହାଡ଼ାରି ତାଣା ଜିକେଏ ମାହାପୁରୁତି ନେହୁଁ କାରୁ ଝେସୁପିଆଡେ, ଏନିକିଁ ଏଞ୍ଜାରି ମାଣ୍ଡସିୟାଁ ଲେହେଁ ଆଜା ତଲେ ନୀହାୟି କିଞ୍ଜି ଆତିହୁଁ ଜିକେଏ ମାହାପୁରୁ ଲେହେଁ ଜୀଞ୍ଜୁତଲେ ନୀତିନେରି □

ମାହାପୁରୁତି ଦାନା ଅଡ଼େ ନେହୁଁ ଗୁମୁସା

୭ ଏ ବାରେତି ରାନି ଦିନା ତାଗେ ଝାଡ଼େୟିଏ, ଏଦାଆଁତାକି ମୀରୁ ନେହୁଁ ବୁଦି ଗାଟାଚେରି ଆଦୁ, ଇଞ୍ଜା ମାହାପୁରୁ ତାଣା ପ୍ରାଡ଼ାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ □

୮ ବାରେତି କିହାଁ ମୀରୁ ରଅଚେରି ରଅଣାଇଁ ହାରେକା ଜୀଞ୍ଜୁନଦୁ, ଏନାଆଁତାକି ଇଚିହୁଁ ଏଲେତି ଜୀଞ୍ଜୁନନାୟି ହାରେକା ପାପୁତି ପିଠୁକନେ □

୯ ଗୁରୁମୁରୁ ଆଆନା ରଅଚେରି ରଅଣାଇଁ ଗତାୟାଁ ଲେହେଁକି ସେବା କିଦୁ □

୧୦ ବାରେଜାଣା ଚେରି ଏନିକିଁ ମାହାପୁରୁ କାର୍ମାତି ଦାନା ବେଟାଆହାମାଞ୍ଜେରି, ଏଲେକିହୁଁଏ ମୀରୁ ମାହାପୁରୁ ମେରାତି ନେହୁଁ ଗୁମୁସାୟାଁ ଲେହେଁ ଆହାନା ଏ ବାରେ ଦାନା ତଲେ ରଅଚେରି ରଅଣାଇଁ ସେବା କିଞ୍ଜିଆଦୁ □

୧୧ ଆମ୍ବାଆସି ଝେକନେସି ମାହାପୁରୁତି ନେହୁଁ କାରୁ ଝେକନାସି ଲେହେଁ ଝେକପେସି; ଇଞ୍ଜା ଆମ୍ବାଆସି ସେବା କିନେସି ମାହାପୁରୁ ତାଣାଟି ବାଡ଼ୁୟି ବେଟାଆହାମାନି ଲେହେଁ ସେବା କିପାସି □ ଏନିକିଁ ଜୀସୁ କ୍ରୀସୁ ତାଣାଟି ମାହାପୁରୁ ଗାଞ୍ଜୁରମି ବେଟା ଆନେସି; ଇଞ୍ଜା

କାଳାକାଳାତି ଗାଝୁରମି ଅଡ଼େ କାଜାପାଣା ଏଝାଣିଝାୟି □ ଆମେନ୍
□

କ୍ରୀସ୍ତାନା ଲକ୍ଷ୍ମି ଦୁକୁ କସ୍ତ

୧୨ ଏ ନା ଜୀଝୁତି ତଣେସିଙ୍ଗାତେରି, ନୀଏଁ ମିଙ୍ଗେ ହିରୁତା ତାୟିପାରି କିନି ଲେହେଁ ହାରେକା ଦୁକୁ କସ୍ତ ଝାହାମାନେ, ଏଡ଼ି ମାଙ୍ଗେ ଝାନାୟି ହିଲାଆତେ ଇଞ୍ଜି ଅଣ୍ପାଆଦୁ □

୧୩ ସାମା କ୍ରୀସ୍ତୁତି ଦୁକୁ କସ୍ତତା ମୀରୁ ଏଚେକା ଆଣ୍ଡାମାଞ୍ଜେରି ଏଚେକେଏ ରାହାଁ ଆଦୁ, ଏନିକିଁ ଏଝାଣି ଗାଝୁରମି ତଞ୍ଜାଆନି ବେଲାତା ଜିକେଏ ମୀରୁ କାଜା ରାହାଁତା ରାହାଁ ଆଦେରି □

୧୪ ସାମା ମୀରୁ କ୍ରୀସ୍ତୁତି ଦରୁ ତାକି ନିନ୍ଦା ବେଟାଆଦେରି ଆତିହୁଁ ମୀରୁ ନେହାଁତେରି, ଇଚିହୁଁ ଗାଝୁରମିଗାଟି ଜୀଝୁ, ଇଚିହୁଁ ମାହାପୁରୁତି ଜୀଝୁ ମୀ ତାଣା ଡ଼ୟାମାନେ □

୧୫ ଏଦାଆଁତାକି ମୀ ବିତ୍ରାଟି ଲକ୍ଷ୍ମି ପାୟିନାରି, ସରୁ କିନାରି, ଦହ କାମା କିହାନା, ଲକ୍ଷ୍ମି ସାକ୍ତି କାତା ଜଲିନାରି ଆହାନା ସାସ୍ତି ବେଟାଆଦେରି □

୧୬ ସାମା ଆମ୍ବାଆସି କ୍ରୀସ୍ତାନା ଲକ୍ଷ୍ମି ଆହାମାନାକି ସାସ୍ତି ବେଟା ଆନେସି, ଆତିହୁଁ ଏଝାସି ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁଇଁ ଜହରା କିପେସି □

୧୭ ଇଚିହୁଁ ମାହାପୁରୁ ଇଲୁଟିଏ ନୀହାଁୟି କିଝି ଆହାଁ ବିଚାରା କିନି ଦିନା ଝାନେ; ଇଚିହୁଁ ମାହାପୁରୁ ନଚେଏ ମାଙ୍ଗେ ନୀହାଁୟି କିୟାତିହୁଁ, ଆତିହୁଁ ତାମି ନେହୁଁ କାରୁ ମାନଝି ଆହାହିଲଅରି ଏଝାରି ତାୟୁତି ତଣ୍ଡ ଏଚେକା ଆଜିହୁପେତାୟି ଆଏ □

୧୮ ସାସ୍ତିରିତା ରାସ୍ତିକି ଆହାମାନେ,

“ଦାମ୍ବୁଗାଟାସି କସ୍ତତଲେ ଗେଲପି ଆନେସି,

ଆତିହୁଁ ଦାମ୍ବୁ ହିଲାଆ ଗାଟାରି ଅଡ଼େ ପାପୁଗାଟି ଲକ୍ଷ୍ମି ଏନିକିଁ ମୁମ୍ବୁ ତହୁନେରି ?”

୧୯ ଇଚିହୁଁ ଆମ୍ବାଆରି ମାହାପୁରୁତି ଅଣ୍ପୁ ଲେହେଁ ଦୁକୁ କସ୍ତ ବେଟାଆନେରି, ଏଝାରି ନେହୁଁ କାମା କିହାନା ଏଝାଣି ତାଣା

ହାରେପୁରେ ବାର୍ଣ୍ଣ କିପାରି, ଆତିହିଁ ଏଞ୍ଜରାଙ୍କୁ ଗାଡ଼ିକିତି ମାହାପୁରୁ
 ବାରେବେଲା ତାନି ଆଞ୍ଜାମାନି କାମା ଲେହେଁ କିନେସି □



ମାହାପୁରୁତି ମେଣ୍ଡାୟାଁ

୧ ଇତିହିଁ ନାନୁ ମୀ ତଲେତି ର. କୁଲମିତି ପ୍ରାଚିନାତେଏଁ,
 ଅଡ଼େ କ୍ରୀସ୍ତତି ଦୁକୁ ବେଟାଆହାମାନି ତାଣାତି ସାକି ଇଞ୍ଜା ଖାହିମାନି
 ଗାଞ୍ଜୁରମିତା ଆଣ୍ଡିନାତେଏଁ ନାନୁ, ମୀ ତାଣା ମାନି ପ୍ରାଚିନାଙ୍ଗାଣି
 ବାତିମାଲିମାଲ୍,

୨ *ମୀ ତାଣା ମାନି ମେଣ୍ଡାୟାଁଣି ଜାତନ୍ନୁ କିଦୁ ମାହାପୁରୁ ମିଙ୍ଗେ
 ହେରୁପାମାଞ୍ଜାନି ମାନ୍ଦାତି ପହିକିଦୁ, ଗୁତାଗୁତା କିନାକି ଆଏ, ସାମା
 ରାହାଁ ଅଣ୍ଡୁ ତଲେ ମାହାପୁରୁ ଅଣ୍ଡୁତି ଲେହେଁ ଜାତନ୍ନୁ କିଦୁ,
 ଖାରଇ ତାବୁୟାଁ ବେଟାଆନ୍ତି ଆସା ତାକି ଆଏ, ସାମା ସାତା
 ସେବାକିନି ଅଣ୍ଡୁ ତଲେ କାମା କିଦୁ □

୩ ଅଡ଼େ ଆମ୍ବାଆରି ଦାୟିପତି ମୀ କେୟୁତା ହାପକି
 ଆହାମାଞ୍ଜାନେ, ଏଞ୍ଜାରି ମୁହେଁ ସାଲଞ୍ଜି କିନାତେରି ଆଆନା ଏ
 ମାନ୍ଦାତି ମାନି ଗାଟାତେରି ଆହାମା କିଦୁ □

୪ ଏଚେଟିଏ “କାଜା ଗଡ଼” ତଞ୍ଜାଆନ୍ତି ଦିନାତା ମୀରୁ ଗାଞ୍ଜୁରମିତି
 ଏଚେଲା ଖାଡ଼ାଆଗାଟି ଟପେରି ବେଟାଆଦେରି □ ତାନି ଉଜେଡ଼ି
 ଏଚେଲା ଖାଡ଼େଏ □

୫ ଏ ଦାଂଗଣାୟାଁତେରି, ଏଲେକିହିଁଏ ମୀରୁ ଜିକେଏ ମୀ
 ପ୍ରାଚିନାଙ୍ଗାଣି ମାନଞ୍ଜି ଆଦୁ, ମୀରୁ ବାରେଜାଣା ତେରି ରଅତେରି
 ରଅଣି ନକିତା ସୁଦୁଗାଟି ଅଣ୍ଡୁତି ହିମ୍ବୁରି ଲେହେଁ ପରଦୁ, ଦାମ୍ବୁ
 ସାସ୍ତେରିତା ରାସ୍ତକି ଆହାମାନେ, “ଇତିହିଁ ମାହାପୁରୁ ତାହାରା
 ଗାଟାରି କପାଟି ନିଙ୍ଗାନା ସୁଦୁ ଗାଟାରାଙ୍କୁ କାର୍ମା ମେହନେସି □”

୬ *ମାହାପୁରୁତି ବାଡ଼ୁୟୁଗାଟି କେୟୁ ତୁଇ ମୀରୁ ମିଙ୍ଗେ ଉଣା
 କିହାକତାଦୁ, ଏନିକିହିଁ ଏଞ୍ଜାସି ତାୟୁ ସମାନା ଦିନାତା ମିଙ୍ଗେ
 କାଜାତେରି କିୟାନେସି;

☆ ୫:୭ ୫:୭ ଜହ ୨୧:୧୫-୧୭ ☆ ୫:୭ ୫:୭ ମାତି ୨୩:୧୨; ଲୁକ ୧୪:୧୧; ୧୮:୧୪

୭ ମୀ ଅଣ୍ଠପୁତି ବନ୍ଧୁ ବାରେ ମାହାପୁରୁ ତାଣା ହେରପାଦୁ ଇଚିହିଁ
ଏଞ୍ଜାସି ମିଜେତାକି ଅଣ୍ଠିନେସି □

୮ ସେତନା ଆହାନା ଜାଗ୍ରାତା ମାଞ୍ଜୁ, ଏନାଆଁତାକି ଇଚିହିଁ
ଆମ୍ବାଆରାଇଁ ଗୁହଁଇଁ ଇଞ୍ଜିଁ ମୀ ସାତୁ ସୟତାନ ତୁକିମାନି ସିହଁକ୍ଳାଠନି
ଲେହେଁ ପାରିହିଁ ରେଜିମାନେ □

୯ ମୀରୁ ନାମୁତା ତୀରି ମାଞ୍ଜାନା ସୟତାନଇଁ ପେରୁଦୁ, ଏନାଆଁତାକି
ଇଚିହିଁ ଈ ଦାର୍ତତିତା ମାନି ମୀ ନାମିତି ତାୟିୟାକି ଇଲେତି ଦୁକୁ
କସ୍ତୁ ଆହିମାନେ □

୧୦ କ୍ରୀସ୍ତ ତଲେ ଆଶ୍ଵାନା ତାନି କାଲ୍ଲକାଲ୍ଲାତି ଗାଞ୍ଜୁରମିତା ଆଶ୍ଵାଲି
କାର୍ମାମେହ୍ନି ମାହାପୁରୁ ମିଜେ ହାଟାମାଞ୍ଜାନେସି, ମୀ ଗାଡେକାତି
ଦୁକୁ କସ୍ତୁ ବେଟାଆଡି ତାୟୁ ଏଞ୍ଜାସି ତାନୁଏ ମିଜେ ତୀରି ଆଟ୍ଞା,
ବାଡ଼ୟୁ, ଅଡେ ଏଚେଲା ଗୁରା ଆଆଗାଟି ବାର୍ଣ୍ଣୁ ମିଜେ ହିୟାନେସି □

୧୧ ବାରେ ବାଡ଼ୟୁ ଜୁଗୁ ଜୁଗୁତାକି ଏଞ୍ଜାଣିଞ୍ଜାୟି □ ଆଡେମ୍ □

ରାନିବେଲ୍ଲାତି ଜହରା

୧୨ ☆ସିଲ୍ଲାଇଁ ନାମୁତି ତାୟିଲେହେଁ ନାନୁ ଜୀଞ୍ଜୁନହଁନା ତାନିତାଣାତି
ନାନୁ ଈ ଉଣା ଆକୁ ରାଟାମାଇଁ □ ମାହାପୁରୁତି ସାତା କାର୍ମାତି ସାକି
ହୀହାନା ମିଜେ ରାହଁ କିୟାନାୟି ନା କାମା □ ଏ କାର୍ମା ମେହ୍ନିତାଣା
ଆଟ୍ଞାତଲେ ମାଞ୍ଜୁ □

୧୩ ☆ମାହାପୁରୁ ତାକି ଆଟ୍ଞି ଆହାମାନି ବାବିଲନତା ମାନି
କୁଲମି ଅଡେ ନା ଦାମ୍ଫୁତି ମୀରଏସି ମାର୍କ ଜିକେଏ ମିଜେ ଜହରା
କିହିମାଞ୍ଜାନେରି □

୧୪ କ୍ରୀସ୍ତାନା ଲକୁ ଲେହେଁ ଜୀଞ୍ଜୁନହଁନା ଜହରା କିଦୁ □ କ୍ରୀସ୍ତ
ତାଣା ମାନି ଲକୁକି ହିଡ଼ି ଆପେ □

☆ ୫:୧୨ ୫:୧୨ କାମା ୧୫:୨୨,୪୦ ☆ ୫:୧୩ ୫:୧୩ କାମା ୧୨:୧୨,୨୫; ୧୩:୧୩;
୧୫:୩୭-୩୯; କଲସି ୪:୧୦; ପିଲିମ ୧:୨୪

ପୁସ୍ତକ ଶିକ୍ଷା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଶିକ୍ଷା,

କୁସାଲ ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20